

Mme Nwedi Emi Esiakde ke Nwedi Mbono Esop Uwem ye Utom Nnyin

JULY 5-11

MME AKPAN NKPỌ KE IKỌ ABASI | DEUTERONOMY 11-12

“Nte Jehovah Oyomde Ikọt Esie Ekpọno Imọ”

w14 6/15 13 ¶7

“Afo Enyene Ndimma Jehovah Abasi Fo”

⁷ Nso ke ikọ Jesus okoworo ke ini enye okodohode ke ana ima Abasi ke “ofuri esit,” “ofuri ukpon,” ye “ofuri ekikere”? “Ofuri esit” oworo ofuri se isidonde nnyin, ofuri se isiduakde, ye nte etiede nnyin idem. “Ofuri ukpon” oworo ata ata owo emi nnyin idide, onyū esine ofuri se isinamde. “Ofuri ekikere” oworo nte isikerede nkpo ye se isikerede. Ikọ Jesus okoworo ke akpana ima Jehovah ke kpukpru usun.

it-1-E 84 ¶3

Itieuwa

Jehovah okodoho ndito Israel ewuri mme itieuwa nsunsu abasi, ebom mme adaha utuakibuot mmọ, enyū esibe mme eto utuakibuot mmọ eduoño. Mme adaha ye eto emi ekisiwak ndidu nkperere mme itieuwa nsunsu abasi. (Ex 34:13; De 7:5, 6; 12:1-3) Abasi okodoho ikọt esie ekunim utọ nkpo oro ke itieuwa imọ, ekunyū efop ndito mmọ ke ikañ nte mbon Canaan ekisinamde. (De 12:30, 31; 16:21) Utu ke ndito Israel ndinyene ediwak itieuwa, akana mmọ enyene itieuwa *kiet* kpọt emi esidade etuak ibuot enọ ata Abasi kierakiet, ndien akana ebop itieuwa emi ke ebiet emi Jehovah emekde. (De 12:2-6, 13, 14, 27; emi ama enenede okpuhode ye mbon Babylon emi ekebopde itieuwa 180 enọ abasi-anwan Ishtar kpọt.) Jehovah okodoho ndito Israel ete mmọ ẹma ẹbe Akpa Jordan, yak mmọ ẹda itiat

emi owo misoike ebop itieuwa enọ imọ (De 27:4-8), ndien Joshua okobop itieuwa emi ke Obot Ebal. (Jos 8:30-32) Ke mmọ ẹma ekedeme ison oro mmọ ekekande, esien Reuben, esien Gad, ye ubak esien Manasseh ẹma ebop akamba itieuwa ke mben Jordan, ndien oro ama anam ndito Israel eken eyat esit eyom ndika nkanwana ye mmọ. Ekem mmọ ẹma edidionọ ke owo ikobopke itieuwa oro ndida ntuaak ibuot nnọ nsunsu abasi, edi ke ekebop nte nkpo ntiense ndiwut ke mmọ eyeka iso etuak ibuot enọ Jehovah emi edide ata Abasi.—Jos 22:10-34.

Yom Nkpoto ke Ikọ Abasi

it-1-E 925-926

Obot Gerizim

Esisit ini ke Joshua ama akada ndito Israel usun yak mmọ ekan Ai, enye ama odoho kpukpru esien Israel esop idem ke Obot Gerizim ye Obot Ebal, nte Moses okodohode. Mmọ ekeda ke obot mbiba emi ekop mme edidion emi mmọ edinyenede edieke mmọ ekopde uyo Jehovah ye mme isuni emi edisimde mmọ edieke mmọ mikopke uyo esie. Esien Simeon, Levi, Judah, Issachar, Joseph, ye Benjamin ekeda ke iso Obot Gerizim; esien itiokiet eken ẹda ke iso Obot Ebal, ke ini ndito Levi ekedade ye ekebe ediomi ke ufot obot mbiba emi. (De 11:29, 30; 27:11-13; Jos 8:28-35) Etie nte ekedi ẹma ekot mme edidion ewonode enyin ese Obot Gerizim, esien itiokiet emi ekedade ke nkan oro eboro, ndien ẹma ekot mme isuni ewonode enyin ese Obot Ebal, esien itiokiet eken emi ekedade ke nkan oro eboro. Nduşuk owo edoho ke ekeme ndidi nte Obot Gerizim ekeyede onyū ofonde nkpo akanam ekot edidion ese nkan oro, edi ekot isuni ese Obot Ebal ke ntak emi enye eketiede itiat itiat minyū ifonke nkpo. Edi Bible

idoghoke ke ntak ekedi oro. Bible odoghoke ke ekekot Ibet “uyo oworo ke iso ofuri esop Israel, okoro ye iban ye nditowon ye isenowo emi ekedude ke otu mmọ.” (Jos 8:35) Ofuri udimowo emi ekedade ke obot mbiba emi ẹma ekop nte ekotde Ibet emi. Etie nte se ikanamde kpukpru mmọ ekeme ndikop edi nte ikpehe oro eketiede.

JULY 12-18

MME AKPAN NKPỌ KE IKỌ ABASI | DEUTERONOMY 13-15

“Nte Ibet Moses Okowutde ke Jehovah Ekere Abaña Mme Ubuene”

it-2-E 1110 ¶3

Oyohọ Mbak Duop

Etie nte enyene oyohọ mbak duop enwen emi nditọ Israel ekeseinode kpukpru isua, ndien idighe nditọ Levi kpọt ekesidia ufọn oyohọ mbak duop enye emi. Mme ubon ke Israel ekesinefede ẹdia ufọn oyohọ mbak duop emi ke ini kpukpru mmọ ẹsopde idem ndinim usoro. Edieke okosonde owo ndimen oyohọ mbak duop emi nka Jerusalem ke ntak emi ebiet oro enye odunde eneferede oyom usu, ẹma enyime enye okpuhọ oyohọ mbak duop oro esin ke okuk, onyūn emen okuk oro aka Jerusalem ekedep se enye ye ubon esie ẹdidade inem idem esit ke ini edisana mbono oro. (De 12:4-7, 11, 17, 18; 14:22-27) Edi ke kpukpru oyohọ isua ita ye oyohọ isua itiokiet, nditọ Israel ekesida oyohọ mbak duop emi enwam nditọ Levi, isenowo, mme ebeakpa, ye nditokpa ke obio mmọ, utu ke ndida nnwam idem ke ini mbono.—De 14:28, 29; 26:12.

it-2-E 833

Isua Sabbath

Eketikot isua Sabbath “isua edidahado” mmē “isua uworo-ufun” [*hash-shemit-tah*].

(De 15:9; 31:10) Owo ikesitohọ nkpọ ke ofuri isua oro, ntre ison ama enyene nduokodu. (Ex 23:11) Nko, akana edahado eno owo emi akamade owo ison. Ekekot emi “edidahado ke iso Jehovah.” Ndusuk mbon oro esinamde ndunode ẹbaña Bible odoghoke ke owo ikesibiatke-biat ison oro ifep, edi ke owo ikesikpakke eyen Israel ekpe ison esie sia owo mikenyleneke nkpọ-inwan ndinyam isua oro, edi ke ẹma ekeme ndikpak esenowo ekpe. Edi idighe kpukpru mmọ enyime se etinde emi. (De 15:1-3) Ndusuk ikpọ owo mme Jew odoghoke ke ẹma esifre ẹbaña okuk oro ekebuotde enwam eyen Israel emi edide ubuene, edi ke owo ikesinamke ntre ye okuk emi ebuotde owo ẹda enam mbubehe. Mmọ odoghoke ke eyo Jesus, ke akwa owo Jew emi ekekerede Hillel ama enyime owo emi okonode owo ebuot aka esopikpe eketin ikọ man owo emi akamade enye ison osuk ekpe enye okuk oro.—*The Pentateuch and Haphtarachs*, emi J. Hertz ekewetde ke London ke 1972, p. 811, 812.

it-2-E 978 ¶6

Ofun

Ibet oro abanade ofun ye eteufok esie.

Owo ikesinamke nkpọ ye eyen Israel emi edide ofun nte ekeseinamde ye esenowo mmē odudu emi edide ofun. Ofun emi midighe eyen Israel ekesidi ofun ke nsinsi, ndien ete ekeme ndikpa nkpōn enye nno eyen esie (Le 25:44-46), edi eyen Israel ama esiworọ ufun ke oyohọ isua itiaba emi enye edide ofun mmē ke isua Jubilee, etiene eke ebemde iso esim. Akana enam nkpọ ye eyen Israel emi edide ofun nte esinamde ye owo emi ekpede-kpe utom. (Ex 21:2; Le 25:10; De 15:12) Eyen Israel emi akanyamde idemesie nte ofun ono esenowo, odudu, mmē owo ke ubon esenowo ama ekeme ndifak idemesie ini ekededi, midighe owo ubon esie afak enye. Okuk emi

ekedade efak enye eketiene isua emi osu-
hode mbemiso isua Jubilee nmê isua emi
osuhode mbemiso esim oyoho isua itia-
ba toho enye ekedi ofun. (Le 25:47-52; De
15:12) Ke ini owo osiode eyen Israel emi
ekedide ofun esie unyoh, enye ekenyene
ndino enye mme nkpò emi enye edida-
de itoho uwem. (De 15:13-15) Edieke ofun
akasaade ye nwan esie edi, enye edisa-
na ye nwan esie iworo ofun. Edi, edieke
eteufok esie okonode enye nwan (oro edi,
nwan esenidut emi midiworo ofun ke
oyoho isua itia), eteufok esie ekenyene
nwan oro ye ndito emi nwan oro amande.
Ntem, eyen Israel oro ama ekeme ndimek
ndika iso ndun ye eteufok esie. Ndien ete-
ufok esie ekenyene ndida utibiokpo ntibi
enye utoh, ndien enye edi ofun esie ke nsi-
nsi.—Ex 21:2-6; De 15:16, 17.

Yom Nkpoto ke Iko Abasi

w06 4/1 31

Mme Mbume Etode Mme Andikot

**Nso ke nnyin ikeme ndikpep nto ewuho oro
ekutde ke Exodus 23:19: “Kutem eyen ebote
ke mmoh-eba eka esie”?**

Ewuho oro ekenode ke Ibet Moses emi edu-
de itie ita ke Bible mi, ekeme ndinam nnyin
ifiok nte Jehovah esede se inende, onyuh
anam ifiok mbom ye ima oro enye enyene-
de. Ewuho oro osoho owut nko nte enye
asuade nsunsu utuakibuot.—Exodus 34:26;
Deuteronomy 14:21.

Nditem eyen ebote nmê eyen unam ekede-
di ke mmoh-eba eka esie atuaha ye ndutim
obot oro Jehovah akanamde. Abasi okono
eka ebote mmoh-eba man ada obok eyen man
okori. Eyen ukpepnpko kiet odoho ke nditem
eyen ebote ke mmoh-eba eka esie okpwooro
“ndisin edisana itie ebuana emi Abasi anam-
de odu ke ufote eka ye eyen ke ndek.”

Ke adianade do, ndusuk owo ehok ekikere ke
ekeme ndidi editem eyen ebote ke mmoh-
eba eka esie ekedi edinam ukpono ndem
oro ekesidade esin edim. Edieke oro ekedi-
de ntre, eyedi ehok ewuho emi mbak ndito
Israel editiene ebuana ke ndisime ye ibak
ibak edinam ido ukpono oro ekekande mmoh
ekuk. Ibet Moses ama enenede akpan ndi-
to Israel ndisana ke ido idut oro.—Leviticus
20:23.

Ke akpatre, ewuho emi anam nnyin ikut esit-
mbom oro Jehovah enyenede. Ke nditim
ntin, Ibet Moses esine ediwak ewuho ntre
emi ekpande edibak ibak ye mme unam,
inyuh iyakke ebiat ndutim obote oro Je-
hovah anamde. Ke uwutnkpò, Ibet Moses
ama akpan ediwa unam ekededi oro mitiehe
ye eka esie isim usen itia, akpan edi-
wote unam ye eyen esie ke usen kiet, onyuh
akpan edisio eka inuen nkpò ye nsen nmê
ndito ke efok mmoh.—Leviticus 22:27, 28;
Deuteronomy 22:6, 7.

Nte anwanade, Ibet Moses ikedighe suk
awak-nkukoho ewuho ye mme ukpan. Ke
adianade ye mme ufote eken, mme edumbet
esie enam nnyin ifiok mme nkoko idaha ido
uwem emi enenede ewut mme utibe utibe
edu Jehovah.—Psalm 19:7-11.

JULY 19-25

MME AKPAN NKPÒ KE IKÒ ABASI | DEU- TERONOMY 16-18

**“Se Ekpenamde Man Ekpe Nnennen
Ikpe”**

it-1-E 343 ¶5

Nnan, Nkimenyin

Ke ini eyomde ndiwute ke ebieriekpe ama
obò ubokedem ekpe ukwanikpe ohok owo,
ekesidoho ke nkpò ama ekim enye enyin.
Ibet Moses ama etin afiak etin ete yak

ebiereikpe okūbọ ubọkedem okūnyuñ usari owo, sia emi ekeme ndinam enye okūkpe nnennen ikpe. Bible ọdọhọ ke “ubọkedem [esikim] mme okut-usuñ enyìn,” (Ex 23:8) afiak ọdọhọ ke “ubọkedem [esikim] mbon ọniọñ enyìn.” (De 16:19) Ọkpọkọm ebierikpe ọfọn didie onyūñ ọfiọk ndikpe ikpe didie, edieke ẹnọde enye ñkpọ, oro ekeme ndinam enye okūkpe nnennen ikpe. Abasi ọdiọñọ ke ubọkedem ekeme ndikim owo enyìn, asari ye uma onyūñ ekeme ndibiat ñkpọ nnọ owo, nta edi oro ibet esie ọkọdọhọde ete: “Kūnam ñkpọ ye ubuene ke asari, kūnyuñ unam ñkpọ ye akwa owo ke uma.” (Le 19:15) Utu ke ebierikpe ndinam ñkpọ ke uma ñmê ndinam ñkpọ man ediwak owo ẹma enye, akana enye ekpe nnennen ikpe ọnọ owo, inamke ñkpọ ñmê owo edi imọ ñmê ubuene.—Ex 23:2, 3.

it-2-E 511 ¶7

Ibat

Iba. Ẹsiwak nditiñ mbaña owo iba ñmê ñkpọ iba ke ini ẹkpede ikpe. Edieke owo iba ẹtiñde ukem ñkpọ, ẹma ẹsinyime ke ikọ mmọ edi akpanikọ. Mbemiso ẹbierede ikpe ẹnọ owo, akana ntiense iba ñmê ita ẹdu. Nte ẹsinyuñ ẹnamde edi oro mfìn ke esop Abasi. (De 17:6; 19:15; Mt 18:16; 2Co 13:1; 1Ti 5:19; Heb 10:28) Se Abasi okonyuñ anamde edi oro ini enye ọkọdọhọde Eyen esie edinyaña ubonowo. Jesus ọkọdọhọ ete: “Ẹwet ke Ibet mbufo ẹte, ‘Ikọ ntiense owo iba edi akpanikọ.’ Ami nti ntiense mbaña idemmi, ndien Ete emi ọkọdọhọde mi etie ntiense abaña mi.”—Joh 8:17, 18.

it-2-E 685 ¶6

Oku

Mme oku ẹkesinam ibet Abasi añaña owo, edi mmọ ẹma ẹsinyuñ ẹtiene ẹñwam ke ndusuk ikpe ke Israel. Mme oku ẹma ẹsiñwam mme ebierikpe ke mme obio emi

mmọ ẹdunde, mmọ ẹma ẹsinyuñ ẹtiene mme ebierikpe ẹbiere ikpe emi eneñerede ọsọñ. (De 17:8, 9) Mme oku ye mbiowo obio ẹma ẹsitiene ẹdu ke ini ẹkpede ikpe emi owo mīdiọñọke owo emi okowotde owo. Mmọ nditiene ndu ama esinam ẹkut ẹte ke ẹkpe ikpe oro nnennen nnennen nte Jehovah ọdọhọde man obio idinye-ne ubiomikpe iyip. (De 21:1, 2, 5) Edieke ebe ekerede ke ñwan imọ esin ẹfiḅe, akana enye emen ñwan esie aka iso Jehovah ke ebiet emi mme oku ẹdinamde se Jehovah ọkọdọhọde ẹnam man Jehovah anam ẹdiọñọ ñmê ñwan oro ama esin ẹfiḅe ñmê ikesinke. (Nu 5:11-31) Akana ẹnam kpukpru se mme oku ñmê mme ebierikpe ẹbierede. Ẹkenyene ndiwot owo ekeledi emi okoide-koi etre ndinyime ñmê ndinam se ẹkebierede.—Nu 15:30; De 17:10-13.

Yom Ñkpoto ke Ikọ Abasi

it-1-E 787

Ndisio Owo Mfep

Ibet Moses ọkọdọhọ ke ana ntiense iba ke nsuhọde ñkaha ẹdu mbemiso ẹwotde owo. (De 19:15) Akana mme ntiense emi ẹbem iso ẹtọñọ owo oro ke itiat. (De 17:7) Oro ama owut ke mmọ idaha ibet Abasi ibre mbre, ke mmọ ẹnyuñ ẹtiene ẹyom ndinam esop Israel asana. Oro ama esinyuñ anam owo okūsọsọ utiñ se enye mīdiọñọke, okūnyuñ utie ntiense nsu.

KPEP NDIKWỌRỌ IKỌ ỌFỌN

it-1-E 519 ¶4

Esopikpe, Ndikpe Ikpe

Esop Mme Christian. Kpa ye oro ukara mīnọhọ esop mme Christian unen ndikpe ikpe nnọ owo nte esopikpe ẹsinamde, mmọ ẹkeme ndisuk ñkpe ikpe nnọ owo emi anamde idiọkñkpọ, ẹnyuñ ẹkam ẹkeme ndisio utọ

owo oro mfep ke esop Abasi. Ntak edi oro apostle Paul ọkọdọhọde mbiowo, emi ẹdade ke ibuot esop, ẹsikpe ikpe ẹnọ mbon oro ẹdude ke esop Abasi. (1Co 5:12, 13) Ke ini Paul ye Peter ẹkewetde leta ẹnọ mme esop ye mbiowo, mmọ ẹkedọhọ mbiowo ẹneñede ẹse nditọete enyjin ẹnyuñ ẹñwam mbon oro ẹdụkde idiọk afañ. (2Ti 4:2; 1Pe 5:1, 2; men Ga 6:1 domo.) Edieke owo asiakde isio ñka, akpana mbiowo ẹnọ enye item ikaba mbemiso ẹkpede ikpe ẹnọ enye. (Tit 3:10, 11) Edi ana ẹsio owo ekededi emi akade iso ndinam idiọkñkpọ ẹfep ke esop. Ndisio owo mfep edi ntụnọ, ndien emi esinam owo oro anamde idiọkñkpọ ọdiọhọ ke owo inyimeke utọ ñkpọ oro ke esop Abasi. (1Ti 1:20) Paul ọdọhọ mbiowo esop ẹsitie kiet ẹbiere utọ ikpe oro. (1Co 5:1-5; 6:1-5) Ana ẹnyene ntiense iba ñmê ita mbemiso mmọ ẹnyịmede se ẹdọhọde ke owo anam. Mmọ ikponyụñ ibiomke owo ikpe mbemiso ẹkopde ofuri se iketịbe-de, ikponyụñ ibiereke ikpe ke uma.—1Ti 5:19, 21.

JULY 26–AUGUST 1

MME AKPAN ÑKPỌ KE IKỌ ABASI | DEUTERONOMY 19-21

“Jehovah Ada Uwem Owo ke Ọsọñuraa”

w17.11 14 ¶4

Kpe Unenikpe Nyuñ Tua Owo Mbọm Nte Jehovah

⁴ Ama emem utom ndifehe ñkesịm obio ubọhọ itiokiet oro ẹkemekde. Jehovah ọkọdọhọ nditọ Israel ẹmek obio ita ke ñkañ Akpa Jordan emi ye obio ita ke ñkañ oko. Ntak-a? Man owo oro ekeduede owot owo ekpekeme ndisọsọp mfehe ñkesịm. (Num. 35:11-14) Ẹma ẹsidiọh mme usun obio ubọhọ. (Deut. 19:3) Ñwed mme Jew ọdọhọ ke ẹma ẹsiwuk signboard ke usun man añwam owotowo ọdiọhọ usun efehe ekesim obio

ubọhọ. Sia mme obio ubọhọ mikoyomke usun, owo oro ekeduede owot owo ikesife-heke ika esenidut sia oro akpanam enye okokpono nsunsu abasi.

w17.11 15 ¶9

Kpe Unenikpe Nyuñ Tua Owo Mbọm Nte Jehovah

⁹ Akpan ntak emi Jehovah ọkọdọhọde nditọ Israel ẹnim mme obio ubọhọ ekedi mbak mmọ idiwot owo emi ekeduede-due owot owo ẹnyuñ ẹkama iyip. (Deut. 19:10) Jehovah ada uwem ke ata akpan ñkpọ onyụñ asasua “ubok eke ọduokde iyip [owo] eke miduehe.” (Ñke 6:16, 17) Sia Jehovah edide edisana, esinyuñ ekpede unenikpe, enye isimiah uton isio ke ini owo eduede owot owo. Kpa ye oro enye ọkọdọhọde ẹtua owo oro mbọm, akana owo oro aka ebine mbio-wo man mmọ ẹkpe ikpe esie. Edieke mbiowo ẹkütde ke enye ekeduede owot owo, ẹma ẹyak enye ọduñ ke obio ubọhọ tutu akwa oku akpa. Ndusuk ini, owotowo ekesidun ke obio ubọhọ tutu akpa. Kpukpru emi ama anam nditọ Israel ẹküt ke mmimọ ikpadaha uwem owo ibre mbre. Sia uwem otode Jehovah, akana nditọ Israel ẹwut ke imokpono Jehovah ke nditre ndinam ñkpọ ekededi oro ekemede ndinam owo akpa.

it-1-E 344

Iyip

Kpukpru owo ẹnyene unen ndidu uwem sia Abasi ọkọhọ owo uwem. Ntre, owo ekededi emi owotde owo enyene ubiomikpe ke iso Abasi. Se Abasi eketinde ye Cain emi okowotde eyeneka esie owut ke emi edi akpanikọ. Abasi ọkọdọhọ enye ete: “Iyip eyenuka ke ofiori ke ison okot mi.” (Ge 4:10) Owo emi asuade eyenete esie tutu edibobon akam oyom enye akpa, ọdokde enye edidok, ñmê etiede ntiense nsu abañ enye, enyene ubiomikpe iyip sia mme ñkpọ oro ẹkeme

ndida eyenete esie ibuoṭ.—Le 19:16; De 19:18-21; 1Jo 3:15.

Yom Nkpoto ke Iko Abasi

it-1-E 518 ¶1

Esopikpe, Ndikpe Ikpe

Mbiowo ekesitie ke inuaotop obio ekpe ikpe. (De 16:18; 21:19; 22:15, 24; 25:7; Ru 4:1) Ke ini owo odukde obio, ɛma ɛsikut mmọ ɛtiede do ke ańwa ekpere inuaotop obio ekpe ikpe. Do nko ke ekesitie ɛkot Ibet ɛno mme owo ɛnyuń ɛno mmọ ewuho. (Ne 8:1-3) Nditie ke inuaotop nkpe ikpe ama esinam emem utom ndinyene mme ntiense ke ikpe, utọ nte ke ikpe emi abanade ndinyam ison ye nkpo ntre, sia mme owo ekesidi ɛdoduk ewoworo. Nko sia mme owo ekesiwakde ke inuaotop, oro ama esinam oson mme ebieriekpe ndinam se mmọ ɛmama ke ini ɛkpede ikpe mm̃e ndikwana ikpe. Anaedi ɛma ɛnam ańwa inuaotop oro eye onyũ ɔfon se ɛtiede ekpe ikpe. (Job 29:7) Samuel ama esinam isan akanade Bethel, Gilgal, ye Mizpah “ekpe ikpe Israel ke kpukpru mme itie emi,” enye ama esinyũ ekpe nko ke Ramah emi ufok esie okodude.—1Sa 7:16, 17.

AUGUST 2-8

MME AKPAN NKPỌ KE IKỌ ABASI | DEUTERONOMY 22-23

“Nte Ibet Moses Okowutde ke Jehovah Ekere Abaña Unam”

it-1-E 375-376

Mbiomo

Ekesida unam ɛmen mbiomo ke eset, ndien Abasi okodoho ndito Israel ekudaha ukpon ass asua mmọ ke ini mmọ ekutde enye oduode ana ye mbiomo ke edem. Utu ke oro, yak mmọ ɛtiene enye ɛtat ass oro.—Ex 23:5.

it-1-E 621 ¶1

Deuteronomy

Nwed Deuteronomy etin nko ke Jehovah ekere abaña mme unam. Ibet okodoho ndito Israel ekumum eka inuen emi okubode ke efok esie, sia mikpedighe emi enye okubode do ekpeme ndito esie, owo ikpekemeke ndimum enye. Akana ɛyak enye onyõn, edi ɛma ekeme ndimen ndito esie. Emi ayanam eka inuen oro ekeme ndiman ndito enwen. (De 22:6, 7) Ibet okodoho owo okudian ass ye enan uda ufun ison sia oro ayanam ass oro obọ ufen. (De 22:10) Ikanaha ebop enan inua ke ini enye edighide wheat man bioń ediwot enye ke ini edide udia emi enye akpade utom anam mmodo ana enye ke iso.—De 25:4.

w03 10/15 32 ¶1-2

“Ekubop Idem Utine-Utine”

NTE afo ekemede ndikut ke ndise emi, camel ye ayara enan oro ɛsuk efunde ison mi ikopke idem inem. Okpono oro obopde mmọ adian kiet—oro ɛkenamde ɛno unam iba oro ɛdade ukem ukem ɛnyuń ɛnyenede ukem odudu—onono unam iba emi ufen. Ke ekerede abaña mme utọ unam emi, Abasi ama odoho ndito Israel ete: “Kubop enan ye ass oto kiet ufun ison.” (Deuteronomy 22:10) Ukem edumbet emi abuana edibop ayara enan ye camel ndian kiet.

Nte ido edide, otoinwan isiyakke ufene esie obọ utọ ufen oro. Edi edieke enye minyeneke nyara enan iba, enye ekeme ndida ufene iba oro enye enyenede adian kiet ofun ison. Nte anwanade, se otoinwan eke oyoho isua ikie 19 oro okutde ke ndise emi ekebiere ndinam edi oro. Sia mme ufene emi midaha ukem ukem, minyũ idobike ukem ukem, unam oro mitimke ikop odudu enyene ndisin okposon ukeme man asana ikpat kiet ye enye oro etimde okop odudu, ndien

utom eyeneñede akak enye oro etimde okop odudu.

Yom Nkpoto ke Iko Abasi

it-1-E 600

Ison, Akama-Ison

Ison ekeme ndidi okuk emi owo akamade owo mmê nkpoto emi anade owo anam onoto owo. Ke Israel eset, nsotonkpoto ekesineñede anam ekama owo ison. Ekedị ata nkpoto mbom eyen Israel ndikama owo ison, sia ison oro akanam enye etie nte ofun onoto owo emi enye akamade ison do. (Nke 22:7) Ntre Abasi ama odoto ikot esie esitat ubok enwam eyen Israel emi edide ubuene enyūn ebuto enye okuk. Ikanaha esibo udori ke okuk oro mmoto ebuto enye sia oro ekpetie nte ndida eyen ubuene mforo. (Ex 22:25; De 15:7, 8; Ps 37:26; 112:5) Edi Abasi ama enyime mmoto esibo owo esenidut udori. (De 23:20) Mbon oro esinamde ndunode ebana nte mme Jew ekessinamde nkpoto odoto ke ekesebo udori ke okuk emi ebuto owo eda enam mbubehe, idighe ke okuk emi ebuto ubuene. Isenowo ikesitiehe ibighi ke Israel, mmoto ekesiwak ndidi ndinam mbubehe ekem enyono. Ntak edi oro ekeseidoto mmoto ekpe udori ke okuk oro ebuto mmoto, sia mmoto nko esibo owo udori ke okuk oro mmoto ebuto owo.

AUGUST 9-15

MME AKPAN NKPO KE IKO ABASI | DEUTERONOMY 24-26

“Nte Ibet Moses Okowutde ke Jehovah Ekere Abana Iban”

it-2-E 1196 ¶4

Nwan

Ibet oro enode ebana ekon ama ofon ye nwan ye ebe sia owo ikayakke owo emi ototo

de nwan obufa aka ekon ke ofuri isua kiet. Emi ama ototo mmoto ini ndinyene eyen emi edidude ye eka ke ini ete akade ekon, edinyun idonde eka esit edieke ete akpade ke ekon.—De 20:7; 24:5.

w11 2/1 15

Ndi Ama Ofiok?

Ibet Moses ototo ototonwan okukpoto kpu-kpu nkpoto ke inwan esie ke ini idok. Mbon ukpeñe ikenyeneke ndikpeñe kpukpu nkpoto ke adana inwan mmoto. Mbon oro etetde mfri vine, oro edi grape, ikenyeneke ndifiak nkatañ mbon oro eketoto mmoto eduto, mmê ndifiak nketet mbon oro mikadatde kana. Mbon oro eyibide mmê enyene eto olive man mfri esie eduto ekenyene ndidaha nkpon mbon oro mikoduto. (Leviticus 19:9, 10; Deuteronomy 24:19-21) Mme ubuene, ndito akpa, mme ebeakpa, ye isenowo ekenyene ndikatañ nyoto nsuto oro nda ndu uwem.

Ibet emi ama ofon ye kpukpu owo ke idut Israel. Enye ama ekpep enyene-inwan ntatubok, iyakke enye obuk ibuk, edi ekpep enye ndinim ke Abasi ototo imoto. Ibet emi ama onyūn ekpep mbon oro eketande nyoto nsuto ndisin idem nnam utom sia ndisana ntañ nyoto nsuto ikedighe ifia ubok kiet. (Ruth 2:2-17) Ndujim emi ikayakke ubuene etie biot, mmê ndinam enye akabade edi mbiomo ototo mme owo. Ndujim emi ikonyun iyakke ubuene adia ndok asana ebeñe ebeñe mmê ndinam enye awawan ubok etie, owo minoto enye, idiaha.

w11 3/1 23

Ndi Ama Ofiok?

Ke Israel eset, edieke owo akakpade inyeneke eyen, akana eyenete esie emen nwan emi enye akpade ototo ototo man obon eyen emi edinamde ubon esie aka iso. (Genesis 38:8) Nte ini akakade, ema emen ndujim

emi ẹsɪn ke lbet Moses, ẹkedinyuñ ẹdiọñ uto ndo emi nte ndo eyenete ebe. (Deuteronomy 25:5, 6) Se Boaz akanamde ke ñwed Ruth owut ke edieke nditoete akpa-ñkpa miduhe ke uwem, ke akana kiet ke otu iman akpañkpa emen ñwan esie ọdọ.—Ruth 1:3, 4; 2:19, 20; 4:1-6.

Se mme Sadducee eketiñde ẹbaña ndo eyenete ebe ke Mark 12:20-22 owut ke ẹkesuk ẹdọdọ uto ndo emi ke eyo Jesus. Flavius Josephus, eyen Jew, emi ekewetde mbukeset ke eyo mme apostle ọdọhọ ke ndo emi ama esinam enyiñ ubon aka iso onyui anam inyene ubon aka iso odu ọno ñwan akpañkpa ndida ndu uwem. Ini oro, owo ikesho ebeakpa inyene ebe esie. Edi ke ini eyenete ebe esie emende enye ọdọ obon eyen ọno eyenete esie emi ama akpa, inyene akpañkpa emi ikeshoñke ubon emi ke ntak eyen oro.

Yom Ñkpoto ke Ikọ Abasi

w19.02 21 ¶6

Nte Ẹkewutde Ima ye Unenikpe ke Israel

6 Jehovah enenede ọdiọñ nte ebe ye ñwan enamde ñkpọ ye kiet eken. Enye ekeneñede oyom ndito Israel ẹtim iban mmọ ẹkama. Ebe emi okokponode lbet ama esima ñwan esie, ikeshinyuñ isioho enye ndo ke ntak ekpri ñkpọ. (Deut. 24:1-4; Matt. 19:3, 8) Edi edieke akamba mfina okodude ndien enye osio ñwan esie ndo, akana enye ọno ñwan oro ñwed usiondo. Ñwed oro idiyakke ẹdori ñwan oro ikọ ke esin efibe. Ñkpọ efen edi ke mbemiso ebe ọnode ñwan esie ñwed usiondo, etie nte akana enye ekeneme ñkpọ oro ye mbiowo obio. Oro ama esinam mmọ ẹkeme ndidomo ndiñwam ebe ye ñwan oro man ẹse ñmẹ ẹyekeme ndibiye mfina mmọ. Edieke eyen Israel akanamde ñkari osio ñwan esie ndo, Jehovah ikeshimuke uto owo oro ubok; ikeshidoñke mbiowo ñmẹ mme profet

ẹkedo hẹ enye afiak emen ñwan oro ọdọ. Edi enye ama esikut mmọñeyet ye ukut añwan emi ẹkesiode ndo, ama esinyuñ abiak enye ndikut ñwan oro atuade eseme.—Mal. 2: 13-16.

AUGUST 16-22

MME AKPAN ÑKPỌ KE IKỌ ABASI | DEUTERONOMY 27-28

“Kpukpru Mme Edidiọñ Emi Ẹyesim Fi”

w10 12/15 20 ¶18

Yak Edidem Emi Spirit Abasi Adade Usun Odiọñ Fi!

18 Ndikop uyo Abasi enenede ọworo ndiyak se ẹtiñde ke Bible ye udia eke spirit oro enye ọnode otuk nnyiñ. (Matt. 24:45) Emi ñko ọworo ndikop uyo Eyen esie. Jesus ọkọdọhọ ete: “Idighe kpukpru mbon oro ẹkotde mi, ‘Ọbọñ, Ọbọñ,’ ẹdiduk obio ubon heaven, edi edi enye emi *anamde uduak Ete mi emi odude* ke heaven ediduk.” (Matt. 7:21) Ntre, ndikop uyo Abasi ọworo ndisuhode idem nnyime nditiene ndutim esop Abasi emi mbiowo kpa ‘irenowo emi ẹnode nte eno’ ẹdude.—Eph. 4:8.

w01 9/15 10 ¶2

Nte Edidiọñ Jehovah Eyesim Fi?

2 Ikọedinam Hebrew oro ẹkabarede ‘kop uyo’ ke Deuteronomy 28:2 owut edinam oro akade-ka iso. Ikot Jehovah ñkukure ikpokopke uyo ino enye ke ini ke ini; mmọ ẹkpenyene ndikop uyo kpukpru ini. Adañaoro kpot ke mme edidiọñ Abasi ẹdisim mmọ. Ẹdọhọ ke ikọedinam Hebrew oro ẹkabarede ‘sim’ edi ikọ utop oro esiwakde ndiworo “ndimun” ñmẹ “ndisim.”

w10 9/15 8 ¶4

Sin Ifik Yom Edidiọñ Jehovah

4 Didie ke ndito Israel ẹkpekekop uyo Abasi? Abasi ama ọdọhọ ke lbet esie ete ke imọ

idinemke esit̄ ye ikot̄ imo edieke mm̄o mī-namke nk̄po imo “ke idara, ye ke inemesit̄.” (*Kot Deuteronomy 28:45-47.*) Jehovah iyomke ikop uyo esie eto eto, nte emi mme unam m̄mē mme demon esinamde. (Mark 1:27; Jas. 3:3) Nnyin ikop uyo Abasi ke ofuri esit̄ sia imade enye. Nnyin imadat esit̄ ndinam emi, koro imenim̄ ke ibet Jehovah idobike owo mbiomo, enye onyūn̄ “edi andin̄o mm̄o eke esinde ifik̄ eyom enye utip̄.” —Heb. 11:6; 1 John 5:3.

Yom N̄kp̄uto ke Ik̄o Abasi

it-1-E 360

Adaña

Ibet oro Jehovah okon̄ode ama akpan owo ndisik̄ adaña owo. (De 19:14; se n̄ko N̄ke 22:28.) De 27:17 od̄oh̄o ete: “Od̄odiok̄ on̄o owo eke esik̄de adaña ekemm̄o owo.” Mbon emi enyenede ison̄ ek̄esida se et̄ode ke ison̄ mm̄o edu uwem, ntre ndisik̄ adaña owo ok̄ow̄or̄o ndib̄o enye ndusuk̄ se enye akpadade odu uwem. Ek̄esibat̄ emi nte ndiyip̄ nk̄po owo. (Job 24:2) Edi ama enyene mbon ubi emi ek̄esisik̄de adaña owo, ndien Bible od̄oh̄o ke mb̄on̄ Judah emi ek̄edude ke eyo Hosea ek̄etie nte mbon emi esik̄de adaña owo.—Ho 5:10.

AUGUST 23-29

MME AKPAN N̄KP̄O KE IK̄O ABASI | DEUTERONOMY 29-30

“Is̄on̄ke Ikaha Ndinam N̄kp̄o Jehovah”

w09 11/1 31 ¶2

Jehovah On̄o Nnyin Ukeme Ndim̄ek Se Imade

Ndi os̄on̄ ndifiok̄ nnyūn̄ nnam se Abasi oyomde oto nnyin? Moses ok̄od̄oh̄o ete: ‘Mme ew̄uh̄o emi ami n̄wuk̄de fi mf̄in̄ emi,

is̄on̄ke ikan fi, inyūn̄ iyomke usūn̄.’ (Ufañik̄o 11) Jehovah isid̄oh̄oke nnyin inam mme nk̄po oro es̄on̄de ek̄an nnyin. Mme nk̄po oro enye od̄oh̄ode inam iwakke ikaha, enyūn̄ edi se ikemede ndinam. Imonyūn̄ ikeme ndifiok̄ mm̄o. Iyomke ‘id̄ok̄ enȳon̄’ m̄mē ika “edem inyañ oko” man ik̄ep̄ se Abasi oyomde oto nnyin. (Ufañik̄o 12, 13) Bible asian nnyin iñwañ-iñwañ nte ik̄podude uwem.—Micah 6:8.

w09 11/1 31 ¶1

Jehovah On̄o Nnyin Ukeme Ndim̄ek Se Imade

“MMA nsinyene idiok̄ ekikere ke ndikemeke ndis̄on̄o nda ye Jehovah.” Christian añwan kiet̄ emi se ik̄ow̄or̄ode enye ke ini uyen ek̄enamde enye ekere ke imo ikemeke ndinam se if̄onde, eket̄in̄ ik̄o oro. Ndi edi akpanik̄o? Ndi ok̄ow̄or̄o ke nnyin ikemeke ndinam eti nk̄po? Baba. Jehovah on̄o nnyin ukeme ndimek se imade, ntre imekeme ndimek nte ididude uwem. Jehovah oyom imek ndinam nti nk̄po, ndien Ik̄o esie, kpa Bible, eteme nnyin nte ikpanamde oro. Kere baña se Moses eket̄inde ke Deuteronomy ibuōt̄ 30.

w09 11/1 31 ¶4

Jehovah On̄o Nnyin Ukeme Ndim̄ek Se Imade

Ndi se imekde ebehe Jehovah? Ih, ebehe enye! Abasi ama on̄o Moses odudu spirit̄ ada et̄in̄ ete: “Mek uwem.” (Ufañik̄o 19) Edi didie ke ikeme ndimek uwem? Moses ok̄od̄oh̄o ete: “Man afo ama Jehovah Abasi fo onyūn̄ okop uyo esie, onyūn̄ eyire ye enye.” (Ufañik̄o 20) Edieke imade Jehovah, oyod̄on̄ nnyin ndikop uyo esie nnyūn̄ nyire ye enye, inamke nk̄po m̄mē nso it̄ibe. Ndinam nte owut̄ ke imemek uwem—emi edide mf̄on̄-n̄kan usūn̄ uwem idahaemi, emi asañade ye

idotenyin nsinsi uwem ke obufa ererimbot Abasi oro edide.—2 Peter 3:11-13; 1 John 5:3.

Yom Nkpoto ke Iko Abasi

it-1-E 665 ¶3

Utoñ

Jehovah ama anam mme asañautom esie etin ke ndito Israel oro mikopke uyo imo enyene ‘utoñ oro minaha mbobi.’ (Jer 6:10; Ut 7:51) Utoñ mmọ eketie nte efak nkpọ emi miyakke mmọ ekop ikọ. Ndusuk owo esinyime Jehovah anwam anam ikọ esie anwaña mmọ man mmọ ekop uyo esie, edi ndusuk owo isinyimeke. (De 29:4; Ro 11:8) Apostle Paul ama etetin ke ini ke edi emi mbon oro edohode ke idi Christian edikponde akpaniko. Enye okodoho ke mmọ idiomke ndikop akpaniko emi odude ke Bible, utu ke oro, mmọ eyeko nsunsu mme andikpep eno idemmọ man etin “se utoñ mmọ amade ndikop.” (2Ti 4:3, 4; 1Ti 4:1) Bible etin nko abaña utoñ owo ‘ndiduat,’ akpan akpan ke ini owo okopde idiok mbuk. —1Sa 3:11; 2Nd 21:12; Jer 19:3.

AUGUST 30–SEPTEMBER 5

MME AKPAN NKPỌ KE IKỌ ABASI | DEUTERONOMY 31-32

“Kpep Nkpọ to Mme Uwutnkpọ Emi Edu-de ke Ikwọ Kiet ke Bible”

w20.06 10 ¶8-9

“Nam Ofuri Esit Mi Abak Enyiñ Fo”

8 Esisit ini mbemiso ndito Israel ekedukde Isoñ Uñwono, Jehovah ama ekpep Moses ikwọ kiet. (Deut. 31:19) Akana Moses emen ikwọ oro ekekpep mmọ. (**Kot Deuteronomy 32:2, 3.**) Ima ikere se etinde ke ufaniko 2 ye 3 oro, imeneñede ikut ke Jehovah iyom-

ke ededip enyiñ esie, enam nte enyiñ oro edi ata edisana tutu idighe se ekotde. Enye oyom kpukpru owo ediono enyiñ oro! Eke-di nkpọ ukpono ndito Israel ndikop Moses ekpepde mmọ abaña Jehovah ye enyene-uteñe enyiñ Esie oro! Se Moses ekekpepde mmọ oro ama anam mmọ etetim ebuot idem ye Abasi onyūñ osono mmọ idem kpa nte ñkeñe ukot edim esinamde se etode esehe. Ikpanam didie yak se ikpepde mme owo etie ntre?

9 Ima ikworo ikọ ke ufok ke ufok ñmē ke ebiet emi mme owo ewakde, imekeme ndida Bible ñwut mme owo ke enyiñ Abasi edi Jehovah. Imekeme ndino mmọ ndiye ñwed nnyin inyūñ iwut mmọ inem inem vidio nnyin ye mme nkpọ eken emi enode Jehovah ubon, emi idonde ke Intanet. Edide ke itie-utom, ke ufokñwed, ñmē ke ini ikade isañ, imekeme ndidomo ndinam mme owo ediono edima Abasi nnyin ye uto Owo emi enye edide. Ima inam mme owo ediono nti nkpọ emi Jehovah aduakde ndinam nno mme owo ye ison emi, idoho mmọ nkpọ emi ekemedede ndidi mmọ idiñoke ibaña Jehovah akanam. Nte ikpepde mme owo akpaniko ibaña edima Ete nnyin, ke inwam inam enyiñ Abasi asana. Ke inyūñ inwam mmọ ekut ke ndusuk nkpọ emi ekekpepde mmọ ebaña Jehovah edi nsu, ke ebiat enye enyiñ. Iduhe se mme owo ekpepde yak ofon ye mmọ onyūñ osono mmọ idem nte se idade Bible ikpep mmọ. —Isa. 65:13, 14.

w09 5/1 14 ¶4

Mme Uwutnkpọ Oro Edude ke Bible—Nte Mmọ Esiñwaña Fi?

Bible emen Jehovah odomo nko ye mme nkpọ oro minyeneke uwem. Ekot enye “Akwa Itiat Israel,” “akwa itiat,” ye “ufok ekon.” (2 Samuel 23:3; Psalm 18:2; Deuteronomy

32:4) Didie ke Jehovah ebiet mme ñkpọ emi? Kpa nte akwa itiat ọsọñode owuho ke ebiet, owo mikemeke ndimenede mfep, kpa ntre ke Jehovah ekeme ndidi ebiet ubo-ho fo.

w01 10/1 9 ¶7

Kpebe Jehovah ke Ini Onode Nditọ Fo Ukpep

⁷ Kere baña ima oro Jehovah okowutde ke nte enye akanamde ñkpọ ye nditọ Israel. Moses ama ada ediye uwutñkpọ nditiñ mbaña ima oro Jehovah ekenyenede onọ obufa idut oro, Israel. Nnyin ikot ite: “Nte ntrukupom etimerede efok esie, okubọ nditọ esie, atat mba esie emen mmọ, obiom mmọ ke mba esie: (kpa ntre ke) Jehovah ikpọñ-ikpọñ ada [Jacob] usuñ.” (Deuteronomy 32:9, 11, 12) Man ekpep nditọ esie ndife, eka ntrukupom ‘esitjmede efok esie,’ enyenede onyụñ amiade mba esie man anam

nditọ esie efe. Ke akpatre ke ini eyen ntrukupom ọwọrọde ke efok, emi esiwakde ndidu ke enyọñ akwa itiat, eka esie ‘esikpeme’ enye. Edieke etiede nte ke eyen inuen oro ọmọñ ọduọ, eka oro esibumede oduy idak esie, emende enye “ke mba esie.” Ke ukem ima ima usuñ oro, Jehovah ama ese abaña obufa idut Israel oro. Enye ama onọ mmọ lbet Moses. (Psalm 78:5-7) Ekem Abasi ama etjñ enyin ekpeme idut oro, odude ke mbeñeidem ndinọ uñwam ke ini ikot esie edude ke mfina.

Yom Ñkpoto ke Ikọ Abasi

w04 9/15 27 ¶11

Mme Akpan Ñkpọ Etode Nwed Deuteronomy

31:12. Mme uyen ekpenyene nditie ye ikpọ owo ke mbonoesop nnyụñ ndomo ndikpañ utọñ nnyụñ ñkpep ñkpọ.

